

12/06/2023

Ársskýrsla skólasafns Brekkuskóla 2022-2023



Sigríður Margrét Hlöðversdóttir
Skólasafn

Efnisyfirlit

Skólasafn Brekkuskóla	2
Safnkostur.....	2
Notkun safnkosts og lán milli safna.....	4
Stefnumótun og starfsáætlun	4
Lestrarhvatningarverkefni	6
Samstarf.....	6
Að lokum	7
Fylgiskjal 1 Aðfangastefna skólasafns Brekkuskóla 2019-2024.....	8
Fylgiskjal 2 Starfsáætlun 2022-2023.....	10

Skýrslu þessari er ætlað að veita upplýsingar um skólasafn Brekkuskóla, starfsemi og nýtingu safnkosts.

Í skólanum eru um 500 nemendur og 80 starfsmenn. Safnstjóri er Sigríður Margrét Hlökkversdóttir, netfang: sighlo@akmennt.is og starfsmaður á safni er Gunnar Orri Árnason, netfang: gunnararna@akmennt.is. Safnstjóri heldur úti samskiptasíðu á Facebook og vefsíðu *Gaman og gagn á skólasafni* <https://gamanoggagn.wordpress.com/>.

Skólasafn Brekkuskóla

Skólasafnið í Brekkuskóla er staðsett á miðhæð við aðalinngang. Safnið er 107,7 fermetrar með sætum fyrir 16-25 nemendur. Á safninu eru 16 borðtölvur, auk þeirra eru vagnar með Chromebook tölvum og Ipad spjaldtölvum til útláns í kennslustofur. Notast er við bókunarskjal á neti til að bóka tölvubúnað. Námsgögn, grunnbækur og vasareiknar fyrir nemendur á mið- og unglingastigi eru lánuð út af safninu. Gögn þessi eru ýmist lánuð yfir önnina eða allt skólaárið. Auk þess geta nemendur og starfsfólk fengið lánaðar bækur til frístundalesturs. Útlánatími er þá þrjár vikur en auðvelt er að endurnýja útlán eftir þörf hverju sinni. Að vori þegar skóla lýkur þarf að skila öllum gögnum sem skráð eru á safnið. Yfir sumarið er nemendum ráðlagt að leita til Amtsbókasafnsins.

Safnið er opið á skólatíma frá 8-16. Námsaðstaða er fyrir nemendur og eru nemendur á unglingastigi sérstaklega hvattir til að nýta aðstöðuna ef eyður eru í stundaskrá. Kennarar geta nýtt sér skólasafnið sem framlengingu á eigin skólastofu og komið með hópá í verkefnavinnu í samráði við safnstjóra. Safnið er opið fyrir útlán þó svo að þar séu hópar við nám undir handleiðslu kennara eða á eigin vegum. Mikilvægt er að ganga alltaf rólega um safnið og sýna tillitssemi svo þar sé þægilegt að vera.

Safnkostur

Safnkostur er skráður í Landskerfi bókasafna sem er aðgengilegur á netinu. Leitarsíða Brekkuskóla á Leitir.is er:

https://brekkuskoli.leitir.is/discovery/search?vid=354ILC_GRUNNSK:03079

Safnkostur er byggður upp í samstarfi við nemendur, kennara, stjórnendur og foreldra. Bókum er raðað eftir flokkunarkerfi Dewey en þá er fræðiritum raðað eftir efni og skáldritum eftir höfundum.

Safngögn	Eign í byrjun 2022	Aðföng	Afskrifað	Eign í lok 2022
Fræðibækur og skáldsögur	27.575	294	311	27.558
Tímarit	457		4	453
Snældur (eintök titla)	2			2
Hljómdiskar (eintök titla)	84		2	82
Hljóðbækur (AUDSP, CDSPO, MP3)	323		55	268
Myndbönd (eintök titla)	11			11
Mynddiskar/DVD	108		1	107
Tölvuforrit	36			36
Gagnasamstæður (eintök titla)	34	1		35
Möppur	35			35
Ljósmyndir og nótur	5			5
Spil	314	18	1	331
Tæki - tölvur, myndavélar ofl.	816	51	4	863
Samtals	29.800	364	378	29.786

Veturinn 2022 – 2023 var lögð áhersla á að kaupa bækur fyrir enskukennslu og bækur til ánægjulestrar fyrir öll stig. Fræðibækur um fjölbreytt efni voru keyptar fyrir ánægjulestur. Handbækur og fræðibækur fyrir kennara voru keyptar eftir þörfum ásamt námsspilum.

Safninu berast af og til gjafir frá nemendum, foreldrum og starfsfólki sem koma sér afar vel fyrir lánþega safnsins. Auk þeirra barst árið 2022 eins og undanfarin ár gjöf frá Foreldrafélagi Brekkuskóla sem færði skólasafninu bækur að andvirði um 125.000 kr. fyrir jólin. Vegleg bókagjöf barst frá rithöfundinum Önnu Dóru Antonsdóttur, 45 et. af Refir í hættu og 40 et. af Brennan á Flugumýri. Málbjörg, félag um stam færði safninu að gjöf bókina Þegar Óliver talar! Bókin er ætluð börnum á aldrinum 5-10 ára. Auk þess barst safninu gjöf, í formi sex barnabóka úr bókaflokknum um Litla fólkið og stóru draumana, frá Íslandsbanka, Samtökum atvinnulífsins, Samtökum iðnaðarins og Toyota á Íslandi. Gjöfin er gefin í samstarfi við útgáfufélagið Stórir draumar. Bækurnar hafa allar að geyma sögur sem flytja boðskap af einstaklingum sem látið hafa drauma sína rætast og haft um leið jákvæð áhrif á fólk víða um veröldina. Einstaklingarnir sem um er fjallað koma úr ólíkum áttum, lista og menningar, vísinda og menntasamfélags.

Nemendur á unglingastigi tóku þátt í Siljan sem er árleg myndbandasamkeppni á vegum Barnabókasets. Markmið hennar er að efla lestraráhuga barna og unglinga. Nemendur á unglingastigi tóku þátt í keppninni og unnu 1., 2. og 3. verðlaun. Í fyrstu verðlaun var bókagjöf að andvirði 100.000 kr. frá Félagi bókaútgefenda. Formleg athöfn var fyrir 8.- 10. bekk á sal skólans þar sem verðlaun voru afhent og verðlaunamyndirnar sýndar.

Notkun safnkosts og lán milli safna

Heildarfjöldi útlána bóka var 4.276 og annarra gagna voru 62. Útlán á bókum voru bæði innan skólans, heim til nemenda og til annarra safna. Skólasöfnin á Eyjafjarðarsvæðinu og Amtsbókasafnið á Akureyri eru lánþegar á safninu og eru millisafnalán til og frá þeim ekki skráð sérstaklega. *Bókasafn Móðurmáls - Móðurmál, samtök um tvítyngi* lánaði í vetur safninu bækur á úkraínsku.

Stefnumótun og starfsáætlun

Unnið er eftir aðfangastefnu, grisjunaráætlun og umbótaáætlun sem settar voru 2020 til fimm ára. Á haustin er gerð starfsáætlun fyrir safnið, þá eru viðburðir settir upp í tímalínu. Starfsáætlun er síðan send til kennara í tölvupósti, hér má sjá tímalínu verkefna:

Alþjóðadagur læsis 8. september 2022. Veittar voru viðurkenningar fyrir sumarlestur á þessum degi. Þátttaka í sumarlestrinum hefur aukist frá fyrra ári. Mikilvægt að halda þessu áfram fyrir þá nemendur sem vilja taka þátt.

Dagur íslenskrar náttúru 16. september 2022. Uppstilling á bókum sem tengjast íslenskri náttúru.

Evrópski tungumáladagurinn 26. september 2022. Uppstilling á bókum á ýmsum Evrópskum tungumálum.

Vika bannaðra bóka 18. - 24. september 2022. Lögð er áhersla á tjáningarfrelsi og frelsið til að tjá hugmyndir, jafnvel þær sem eru óhefðbundnar og óvinsælar. Vakin athygli á bókum sem hafa verið bannaðar eða reynt hefur verið að banna. Í 9. og 10. bekk var lögð áhersla á að kynna þessar bækur fyrir nemendum með áherslu á mikilvægi tjáningarfrelsis og gagnrýna hugsun. Nemendur völdu sér bækur, öfluðu upplýsinga um bækurnar og unnu veggspjöld til að kynna þær og hvers vegna reynt var að banna þær.

Alþjóðlegi bangsadaurinn 27. október 2022. Listi yfir bangsabækur lagður fram ásamt skjákynningu á Alþjóðlega bangsadeginum. Uppstilling á bangsabókum á safninu.

Hrekkjavaka 31. október 2022. Þakkarhátíð fyrir uppskeru sumarsins og boðuð koma vetrar. Safnið skreytt með nornum og leðurblökum. Draugasögum stillt upp á safninu.

Baráttudagur gegn einelti 8. nóvember 2022. Listi yfir bækur sem tengjast viðfangsefninu lagður fram. Bókum stillt upp á safninu og kennarastofu. Upplýsingar á: <https://gegneinelti.is> og <https://www.heimiliogskoli.is/fraedsla/einelti/>

Norræna bókmenntavikan 14. - 20. nóvember 2022. Þema ársins var **Norræn náttúra**. Fánum og bókum eftir norræna höfunda stillt upp á safninu. Upplýsingar um bókmenntavikuna eru á: <https://www.nordisklitteratur.org/is>

Dagur íslenskrar tungu 16. nóvember 2022. Bókum og efni tengt Jónasi Hallgrímssyni stillt upp á safninu. Upplýsingar og hugmyndir eru á:

<https://jonashallgrimsson.is/> og https://vefir.mms.is/dagsins/dag_isl_tung/index.htm.

Á þessum degi hefst undirbúningur 7. bekkjar fyrir Stóru upplestrarhátíðina sem haldin er í mars ár hvert. Upplýsingar á: <http://upplestur.hafnarfjordur.is/>.

Jólasveinalestur hefst líka á þessum degi. Þá var jólabókum ásamt skráningarmiðum deilt niður á kennslustofur í 2. - 4. bekk. Reynslan sýnir að jólasveinalesturinn þarf að hefja um miðjan nóvember því oft er minni tími til ánægjulesturs í skólanum í desember vegna annarra verkefna tengdum jólum.

Dagur mannréttinda barna 20. nóvember 2022 féll á sunnudag í ár. Bókum um réttindi barna stillt upp á safninu. Áhersla á <https://barnasattmali.is>

Fullveldisdaðurinn 1. desember 2022. Bókum um Jón Sigurðsson stillt upp á safninu.

Rithöfundaheimsóknir 2022

15. nóvember 2022. Skáld í skólum Ævar Þór Benediktsson og Arndís Þórarinsdóttir voru með dagskrá, **Leynardómar, kjánalæti, íþróttæfingar og dauðinn**, fyrir 4.,5. og 6. bekk. Í kynningu segir:

Hvernig er hin fullkomna barnabók? Er hún löng eða stutt? Má hún vera um hvað sem er? Hvernig bækur á alls ekki að skrifa? Þetta eru allt afar mikilvægar spurningar. En hver getur eiginlega svarað þeim? Rithöfundarnir Arndís Þórarinsdóttir og Ævar Þór Benediktsson lesa mikið af bókum, skrifa mikið af bókum og hugsa mikið um bækur. Þau ætla að rannsaka þetta mikilvæga mál til hlítar og leita því til færustu sérfræðinga í málinu: Krakka á miðstigi! Arndís og Ævar stinga sér á bólakaf í bókmenntaumræðuna með ungum lesendum og skoða hvað það er sem skiptir raunverulega máli – í listinni og í lífinu.

5. desember 2022 klukkan 10:20. Bókafélagið bauð nemendum 5. til 7. bekkjar upp á upplestur á nýjustu bók **David Walliams, Amma glæpon snýr aftur!** Upplesarinn var Hlynur Þorsteinsson, leikari. Hlynur var staðsettur í Reykjavík og fór lesturinn fram í gegnum Teams.

6. desember 2022 klukkan 9:30. **Bjarni Fritzson** las upp úr bók sinni **Orri óstöðvandi - Draumur Möggu Messi** fyrir nemendur í 4.-7. bekk.

12. – 16. desember 2022. Unglingar, 9.-10. bekkur lásu upp úr nýjum bókum fyrir 1. – 5. bekk í umsjón íslenskukennarans Sigríðar Guðrúnar Pálmadóttur.

Í desember og janúar er sérstök áhersla á nýjar bækur og þær settar í forgrunn á safninu. Þá eru nemendur hvattir til að koma með tillögur að bókum fyrir safnið.

Valentínusardagur 14. febrúar 2023. Ekkert varð úr viðburðinum Blint stefnumót við bók á safninu í vetur.

Alþjóðadagur móðurmálsins 21. febrúar 2023. Bókum stillt upp á safninu. Upplýsingar um Samtök móðurmáls eru á: <http://www.modurmal.com/leidarvisir/>

Upplestrarkeppnin Upphátt 7. mars 2023. Upphaf hennar er á Degi íslenskra tungu þann 16. nóvember. Sá hluti keppinnar er kallaður ræktunarhluti þar sem allir nemendur 7. bekkjar leggja sérstaka áherslu á upplestur, vandaðan framburð, framkomu og túlkun orða. Höfuðáhersla er lögð á ferlið og að allir nemendur njóti góðs af verkefninu. Undankeppni er haldin í skólunum og lokahátíðin Upphátt er haldin í Menntaskólanum á Akureyri.

Alþjóðlegur dagur stærðfræðinnar 14. mars 2023. Þí dagurinn. Bókum um stærðfræði stillt upp á safninu. Upplýsingar á: <https://www.ki.is/faggreinafelog/flotur-samtok-staerdfraedikennara/?fbclid=IwAR1zJhCjJRwwwJhY5FGHkb3Qp6n8hasp86iiUfpBZe6u4m514s7U-FWwuM>

Dagur barnabókarinnar 2. apríl 2023, fæðingardagur H. C. Andersen. Daginn bar upp á pálmásunnudag. IBBY á Íslandi heldur upp á dag barnabókarinnar með því að færa öllum grunnskólanemum landsins smásögu að gjöf. Í ár var það smásagan Fjár sjóður ömmu Gógóar eftir Arndísi Þórarinsdóttur. Sagan var frumflutt á Rás 1 fyrir alla grunnskólanema landsins í stærstu sögustund ársins fimmtudaginn 13. apríl 2023, kl. 9.05. <https://www.ruv.is/utvarp/spila/segdu-mer/24558/7hqbo2>

Litla upplestrarhátíðin í 4. bekk var haldin 8. apríl 2023. Lesin voru ljóð, bæði einslega og með kórlestri. Nemendur hófu hátíðina með söng og tónlistaratriðum. Í lokin var boðið upp á hressingu og sýningu á myndverkum sem nemendur höfðu unnið í tengslum við textana sem voru fluttir.

Lestrarhvatningarverkefni

Í vetur var nemendum í 2.- 4. bekk boðið upp á Jólasveinalestur. Kennarar fengu bækurnar sendar í stofur og gátu þá aðstoðað nemendur við val á bókum. Lesa þurfti 5 bækur til að fá viðurkenningarskjal og draga sér jólasveinaviðurnefni. Fyrir hvern lestrarmiða var sett eitt laufblað á lestrartréð á safninu.

Í vetur, eins og undanfarin ár, var reynt að halda á lofti og vekja athygli á rithöfundum meðal annars með því að kynna þá sérstaklega á afmælisdögum þeirra.

Samstarf

Starfsfólk barnabókasafna á Eyjafjarðarsvæðinu eru með sameiginlegan vettvang til samstarfs og eru með netfangið starfsfolkskolasafnaey@akureyri.is. Reglulegt samstarf hefur verið á milli þeirra.

Að lokum

Nemendahópar komu mikið á safnið til að lesa, spila og teikna. Í haust var nýtt veflægt bókasafnakerfi tekið í notkun. Næsta vetur verður aðfangastefna safnsins endurskoðuð og unnin ný stefna til næstu 5 ára. Starfsemi safnsins er í stöðugri þróun.



Fylgiskjal 1 Aðfangastefna skólasafns Brekkuskóla 2019-2024

Aðfangastefna skólasafns Brekkuskóla

“Velja, viðhalda og varðveita aðgang að þekkingu og menningu” (IFLA)

Aðföng

Aðfangastefna er hjálpartæki við uppbyggingu safnsins og viðhaldi þess. Aðfangastefna er endurskoðuð á 5 ára fresti. Hér fyrir neðan er stefna safnsins 2019 til 2024.

Það sem hafa þarf í huga við innkaup fyrir safnið:

Flokkur	Innkaup á nýjum bókum fyrir safnið:	Hámarkskaup
A	Vinsælustu bækur og bókaflokkar hverju sinni.	3-6 eintök
B	Íslenskar barna-og unglingabækur (sem ekki falla undir flokk A)	1 eintak
C	Þýddar barna-og unglingabækur (sem ekki falla undir flokk A)	1 eintak
D	Erlendar teiknimyndasögur (t.d. Manga)	1 eintak
E	Fræðibækur	1-2 eintök
F	Vinsælar fræðibækur	3-6 eintök
G	Byrjendalæsisbækur	5-6 eintök

Smá saman með gjöfum eykst fjöldi bóka og endurnýjun á sér einnig stað. Ef mikil eftirspurn myndast eftir bók eru keypt fleiri eintök ef þörf krefur. Auk þess er leitast við að endurnýja vinsælar bækur og Byrjendalæsisbækur eftir þörfum. Varðandi spil þá er reynt að endurnýja þau eftir þörfum og kaupa að lágmarki 4 ný spil á ári.

Gjafir

Hafa þarf í huga varðandi gjafir:

- að gæta þagmælsku við móttöku gjafa.
- að þiggja gjafir nema þær séu gefnar með skilyrðum.
- að í sérstökum tilfellum eru gjafir merktar gefanda það á við um sjaldgæft efni eða efni sem hefur sérstaka þýðingu fyrir skólann og nærsamfélagið.

Grisjun

Grisjun felur í sér að fjarlægja efni af safninu sem ekki passar við safnkostinn. Tilgangur hennar er að:

- Spara pláss.
- Spara tíma starfsfólks og notenda.
- Gera safnið meira aðlaðandi.
- Auka trúverðugleika safnsins með því að fjarlægja úreltar upplýsingar.
- Gefa mynd af safnkostinum, styrkleikum hans og veikleikum.

Það sem hafa þarf í huga við grisjun:

Grisjaðar og afskrifaðar eru:

- Bækur sem eru illa farnar, rifnar og skítugar.
- Bækur sem hafa ekki farið í útlán í 4 ár.
- Bækur sem eru til í fleiri en einu eintaki en hafa ekki verið lánaðar út í 2 ár – afskrá aukaeintök.
- Bækur sem innihalda efni sem er óviðeigandi fyrir grunnskólabörn.

Nauðsynlegt er að hafa í huga útgáfuár og Dewey flokkstölur þegar grisjað er. Sjá töflu:

Flokkstala	Árafjöldi	Flokkstala	Árafjöldi
000	2-10 ár	700	5-15 ár
100	10 ár	800	Mismunandi - skáldsögur 10 ár
200	2-10 ár	900	15 ár
300	5-10 ár	920-921	Ævisögur ýmis viðmið
400	10 ár		Uppflettirit 5-7 ár
500	5-10 ár		Handbækur meta hverja og eina
600	5-10 ár		Tímarit 5 ár

- Hafa þarf í huga hvort komnar séu nýrri útgáfur sem nýtast í stað þeirra sem grisjaðar eru.
- Undanþegin grisjun eru safngögn með sérstaka þýðingu fyrir safnið og nærsamfélagið óháð útlánatíðni.

Áherslur næstu 5 ár

Skólaár	Áhersla
2019-2020	Grisja út í öllum flokkum eldgamalt efni og kaupa nýjar bækur, fyrir Byrjendalæsi, ensku og endurnýja vinsælt efni.
2020-2021	Grisja og kaupa bækur fyrir náttúrufræði, vinsælar skáldsögur, Byrjendalæsi og nýjar bækur.
2021-2022	Bæta við og grisja úr landafræði og sögu. Nýjar bækur, Byrjendalæsi og endurnýja vinsælar bækur.
2022-2023	Grisja samkvæmt grisjunaráætlun. Kaupa nýjar bækur, kaupa fyrir Byrjendalæsi og endurnýja vinsælar bækur.
2023-2024	Grisja samkvæmt grisjunaráætlun. Kaupa nýjar bækur, kaupa fyrir Byrjendalæsi og endurnýja vinsælar bækur.

Fylgiskjal 2 Starfsáætlun 2022-2023

Skólasafn starfsáætlun 2022-2023

	Áætlun um viðburði og verkefni á skólasafninu	Verkefni
Ágú.	Skipulagsvinna, frágangur og útlán bóka. Nýjar bækur kynntar.	Sumarlestur (viðurkenningar)
Sep.	8. sept. Dagur læsis. <i>Þema ársins: Transforming Literacy Learning Spaces</i> https://www.upplysing.is/bokasafnsdagurinn2021/ https://www.unesco.org/en/days/literacy-day 16. sept. Dagur íslenskrar náttúru. https://vefir.mms.is/dagsins/dagur_isl_natturu/index.html https://landvernd.is/ 18.-24. sept. Vika bannaðra bóka til að minna á tjáningarfrelsið og frelsi til að lesa. http://www.ala.org/advocacy/bbooks https://bannedbookweek.org/ 26. sept. Evrópski tungumáladagurinn. https://edl.ecml.at/Participate/Downloads/tabid/3156/Default.aspx https://vigdis.hi.is/	Uppstilling á bókum Afhending viðurkenninga fyrir sumarlestur Uppstilling á bókum (náttúrufræðingur skólans) Uppstilling á bókum sem hafa verið bannaðar (9. bekkur aflar upplýsinga og kynnrir bækur). Uppstilling texta á ýmsum Evrópskum tungumálum (lukkuhjólíð).
Okt.	27. okt. Alþjóðlegi bangsadagurinn https://kennarinn.is/download/bangsadagurinn-2/ 31. okt. Hrekkjavaka https://is.wikipedia.org/wiki/Hrekkjavaka	Uppstilling á bangsabókum (Bangsaverkefni)

	https://islensktalmanak.is/dagar/hrekkjavaka/	Uppstilling á draugasögum.
Nóv.	<p>8. nóv. Baráttudagur gegn einelti. https://mms.is/dagur-gegn-einelti https://www.youtube.com/watch?v=kfX56SoTNu4</p> <p>11. nóv. Norræni loftslagsdagurinn. https://vefir.mms.is/dagsins/loftslagsdagurinn/index.html https://natturan.is/</p> <p>14. – 20. nóv. Norræn bókmenntavika. <i>Þema ársins: Norræn náttúra.</i> Ást okkar á norrænni náttúru og afstaða okkar til hennar er eitthvað sem er um allt í menningu okkar og skipar stóran sess í norrænum frásögnum og í okkar bókmenntahefð. https://www.nordisklitteratur.org/is/</p> <p>16. nóv. Dagur íslenskrar tungu. https://vefir.mms.is/dagsins/dag_isl_tung/index.htm</p> <p>17. nóv. Jólalestur.</p> <p>20. nóv. Dagur mannréttinda barna. https://barnasattmali.is/</p>	<p>Bókum sem tengjast góðum samskiptum stillt upp á safninu.</p> <p>Áhersla á bækur tengdar umhverfismálum.</p> <p>Norrænum bókum og fánum stillt upp á safninu.</p> <p>Tungubrjótur (lukkuhjólíð).</p> <p>Jólabækur teknar fram, sendar í stofur og stillt upp á safninu.</p> <p>Bókum um réttindi barna stillt upp á safninu.</p>
Des.	<p>1. des. Fullveldisdagurinn. https://www.stjornarradid.is/rikisstjorn/sogulegt-efni/heimastjorn-1904-1918/leidin-til-sjalfstaedis/</p> <p>Bókakynningar</p> <p>21. des. Litlu jól.</p>	<p>Kynning á skjaldarmerki og sögu Íslands.</p> <p>9. og 10. bekkur kynnir nýjar bækur fyrir yngri nemendum.</p> <p>Listi yfir bækur til upplestrar lagður fram.</p>
Jan.	3. jan. Nýjar bækur.	Nýjar bækur settar í forgrunn.

	6. jan. Þrettándinn.	Jólabækur teknar úr sýningu.
<i>Feb.</i>	11. feb. Dagur íslenska táknmálsins. https://mms.is/frettir/dagur-islenska-taknmalsins https://www.deaf.is/utgafa/myndbond/biodagur-dagur-islenska-taknmalsins 21. feb. Dagur íslenska móðurmálsins. https://unesco.is/althjodadagur-modurmalsins/ http://tungumalatorg.is/	Uppstilling á bókum sem tengjast táknmáli og tungumálum.
<i>Mars</i>	Stóra upplestrarkeppnin 7. bekkur http://upplestur.hafnarfjordur.is/ Litla upplestrarkeppnin 4. bekkur http://upplestur.hafnarfjordur.is/keppnin-i-ar/litla-upplestrarkeppnin/ Bókaverðlaun barnanna. 14. mars. Dagur stærðfræðinnar. https://mms.is/frettir/dagur-staerdfraedinnar-14-mars-2021	Upplstur – hvatning. Upplstur – hvatning. Veggspjald með barnabókum. Uppstilling á bókum sem tengjast stærðfræði. (Lukkuhjólíð).
<i>Apr.</i>	2. apríl Dagur barnabókarinnar. (Pálmásunnudagur) https://ibby.is/vidburdir/dagur-barnabokarinnar/ Ljóðapríl	(Upplstur á Rás 1) Uppstilling á ljóðabókum (Lukkuhjól).
<i>Mai</i>	Ljóð Skil, frágangur og mat.	Uppstilling á ljóðabókum (Lukkuhjól).
<i>Júní</i>	Skil, frágangur og mat.	
	<i>Önnur verkefni sem dreifast yfir skólaárið</i>	
	<u>Afmælisdagur rithöfunda</u>	Uppstilling á bókum rithöfunda á afmælisdegi þeirra.

	<p><u>Lestrarhvatning</u> (Disneylestur, drekalestur, ævintýralestur, sjóræningjalestur, Herramannalestur, jólalestur, ljóðalestur, tröllalestur, dýralestur) https://gamanoggagn.wordpress.com/</p> <p><u>Blint stefnumót við bók</u></p> <p><u>Allt skólaárið er vakin athygli á bókum og lestri</u></p> <p>MenntaRúv notað til að tengja starfið við mál líðandi stundar og vakin athygli á bókum tengdum þeim. https://www.ruv.is/sjonvarp/renningur/menntaruv</p> <p><u>Verkefnavinna og upplýsingaleit</u></p>	<p>Lestrartré á skólasafni (laufblað sett á tréð fyrir hverjar 5 bækur sem lesnar eru í þeim).</p> <p>Umsagnir nemenda gerðar sýnilegar á safninu.</p> <p>Myndir af bókum hengdar upp á göngum skólans og kynntar á safninu.</p> <p>Bækur teknar til á bókavagna sem fara í stofur.</p>
	<p><i>Hugmyndir í þróun sem þarf að ræða</i></p>	
	<p><i>Tengja foreldra betur við safnið með því að bjóða þeim að koma með börnum sínum á samtalsdegi og velja með þeim bók til að lesa.</i></p> <p><i>Rithöfundaheimsóknir</i></p> <p><i>Bókaormur mánaðarins</i> <i>Uppáhalds barnabók</i> Hugmynd að hengja upp mynd af kennara með uppáhalds barnabókina sína. Gera sýnilegra að kennarar lesa líka.</p>	